



ATA OFISIAL DI INTREVISTA FINAL DI SUPERITENDENTI DI KUMITÉ SKULAR DI BOSTON DR. TOMMY WELCH

24 di Junhu di 2022

Kumité Skular di Boston rializa un riunion prezensial ki foi transmitidu en diretu na Zoom y na Boston City TV na dia 24 di Junhu di 2022 pa 17:30, na Kamara di Kumité Skular di Idifisiu Munisipal Bruce C. Bolling, 2300 Washington Street, Roxbury, MA 02119. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org ô tilifona pa o skritóriu di Kumité skular di Boston pa (617) 635-9014.

FREKUENSIA

Membrus di kumité skular Presentis: Prizidenti Jeri Robinson; Visi-Prizidenti Michael O'Neill; Stephen Alkins; Lorena Lopera;; Rafaela Polanco Garcia; y Quoc Tran.

Menbrus di Kumité Skular Auzenti: Brandon Cardet-Hernandez; y Representanti Studentil Xyra Mercer.

DUKUMENTUS APREZENTADUS

Ninhun.

PIDIDU DI ORDI

Prizidenti Jeri Robinson konvoka un riuniaon y el lidera un juramentu di lieldadi É anuncia ma servisus di interpretason simultaniu au vivu ta bai staba dispunivel na kes novi prinsipal linguas di BPS via Zoom.

Sra. Robinson splika ma Kumité di Piskiza di Superintendenti foi inkaregadu pa Kumité Skular di konduzi un buska kompletu pa prósimu lider di Skolas Publiku di Boston. Na inisiu di Marsu es kumesa pa prumovi un séri di sesons di audison publiku y riunions ku partis interesadu di kumunidadi. Feedback manifestadu pa alunus, familias, idukadoris, y otus parserus kumunitáriu foi inkorporadu na diskrison di funsons di Superitendenti y informa menbrus di Kumite di Piskiza sobri purguntas di intrevista. Kumesandu ku 34 kandidatus, Kumité di Piskiza riduzi grupu pa 8 kandidatus au longu di Maiu y Junhu, y é konduzi várius rondas di intrevistas ku kandidatus. A 17 di Junhu, Kumité di Piskiza konduzi sis deliberason final y é

*Intrevista Finaldi Superintendenti Kumité Skular di Boston: Dr. Tommy Welch
Bruce C. Bolling Municipal Building
24 di Junhu di 2022*

vota pa silesiona un grupu di finalistas pa konsiderason di Kumité Skular. Desdi inton, dos kandidatus sai di prusesu antis di inisiu di intrevistas públikus. Kes dos kandidatu final é: Mary Skipper, Superintendenti di Somerville Public Schools, y Dr. Tommy Welch, Superintendenti Skular di Rijion 1 di Skolas Publiku di Boston.

RIZUMU DI INTREVISTA

Dr. Welch fazi un diklarason di abertura partilhandu si speriensia komu idukador bilingi, Superintendenti di Rijion 1 y atual pai di BPS. É papia sobri si speriensia, si oportunitadi di kulmata lakunas y si profundu ligason y konprumisu ku Boston. É infatiza inpurtansia di konstrui konfiansa y é diskresvi si kabesa komu un izekutor y un implementador.

Dr. Alkins purgunta Dr. Welch ki stratéjias spisifiku é utiliza pa midjora rizultadus di alunus Negru, ki rizultadus y mididas é utiliza y modi ki é aborda rasismu sistémiku. Dr. Welch papia sobri parseria ku kumunidadi pa kria skolas akulhidor ki ta atendi a tudu alunus.

Observandu ma lingua más papiadu na nos BPS, pa alen di Inglés, é Spanhol, Sra. Lopera fazi si purgunta na Spanhol y na Inglés. É purgunta Dr. Welch modi ki é kria parserias puzitivu ku alunus, familias, y menbrus di kumunidadi ki ta papia nun lingua diferenti di Inglés. Sr. Welch rispondi primeru na Spanhol, dipos na Inglés. É konta si speriensia di trabadju ku pais na Sentru Sul di Los Angeles pa stabelesi un skola pa Aprendizis di Inglés (ELLs).

Sra. Lopera purgunta Dr. Welch si é sta inpenhadu na garanti asesu a lingua nativu pa alunus multilingi y alunus multilingi ku difisiensia. Dr. Welch fla ma é sa ta bai rikoreba a programa di diversidadi di profesor is y a programa di kadetis di profesor is na BPS pa rikruta y kontrata profesor is rasial y linguistikamenti diversifikadus.

Sra. Polanco Garcia purgunta Dr. Welch sobri si filuzufia y konprumisu na furnesi asesu a lingua nativu y alfabitizason na lingua nativu. Sr. Welch rispondi primeru na Spanhol, dipos na Inglés. É infatiza inpurtansia di manti profisiensia na lingua nativu y é afirma si konprumisu ku furmason y apoiu a profesor is bilingi.

Sr. Tran pidi Dr. Welch si difinison pesual di ikuidadi. Dr. Welch fla ma ikuidadi ta signifika da a kada alunu kel kes mesti pa ten susesu. Tema di si investigason di dotoramentu foi planiamentu di suseson na distritus urbanu através di un lenti di ikuidadi. É papia di ikuidadi en termus di rizultadus, oportunitadi, konprumisu y sistemas.

Sra. Robinson lé un purgunta en nomi di Sr. Cardet-Hernandez ta pidi Dr. Welch pa furneseba provas sobri si trabadju na reforma di idukason spesial y na justisa en matéria di difisiensia. Dr. Welch fala sobri si speriensia ben susididu na L.A. ta apoiu alunus ku difisiensia.

Sra. Robinson lé un purgunta en nomi di Sra. Mercer ta purgunta Dr. Welch sis pensamentu sobri alunus ki ta dizenpenha un papel fundamental na sis idukason y é purgunta ku ki frikuensia ki é ta gostaba di riuni ku lidere studantil. Dr. Welch papia sobri inpurtansia di ajensia studantil. É konprumeti na kuloka a dispuzison di alunus komu superintendenti.

*Intrevista Finaldi Superintendenti Kunité Skular di Boston: Dr. Tommy Welch
Bruce C. Bolling Municipal Building
24 di Junhu di 2022*

Sr. O'Neill lenbra di ter vizitadu skolas inuador na Los Angeles ku Dr. Welch alguns anos atrás komu parti di trabadju di riformulason di ensinu sikundáriu di BPS. Sr. O'Neill purgunta Dr. Welch sobri si aburdajen a jeston fiskal, investindu fundus di ajuda di Imerjensia pa Skolas Primáriu y Sikundáriu (ESSER) y jerandu finansiamentu privadu. Dr. Welch papia sobri si aburdajen inkremental pa asilera fundus ESSER au longu di sinku anos. É papia sobri inpurtansia di invisti finansiamentu privadu di un forma diresiunadu y inpaktanti.

Sra. Robinson purgunta Dr. Welch sobri si aburdajen a puzisiunamentu di Gabinete di Lakunas di Oportunidadi (Opportunity Gaps Office) pa másimu inpaktu na aprufundamentu di konsiensia anti-rasista y na inseramentu di oportunidadi y lakunas di rializason pa pupulason studentil más marjinalizadu – inkluidu alunus di kor, Alunus di Lingua Ingleza, alunus ku difisiensias, y alunus di orijens sosio-ikunómiku baxu, asin komu izenplus di susesu dimonstradu. Sr. Welch papia sobri spanson di Gabinete di Lakunas di Oportunidadi di distritu na ultimus anu. É sita feramenta di planiamentu di ikuidadi rasial y mezas ridondu di ikuidadi komu izenplus di ikuidadi rasial y di trabadju anti-rasista di distritu. É fla ma é administra dinheru di subvenson ku susesu pa apoia partisipason di alunus di ELL y idukason spesial na akadimias di asilerason.

Dr. Alkins purgunta Dr. Welch modi ki é sa ta bai rikonstruiba konfiansa ku kumunidadi di BPS. Dr. Welch fla ma é sa ta bai inkluiba tudu vozis, partisipa na konversas dizafiador, y é ta bai djudaba familias ta intendi razons pa kual prupostas sa ta ser fetu pa lidere distrital. É infatiza inpurtansia di komunikason y implimentason.

Sra. Lopera purgunta Dr. Welch ki stratéjias é sa ta bai implimentaba pa pensa sobri distribuison di rikursus, tendu en menti tendensia en tornu di disminuison di numeru di matrikulas, medu di interupson, y uzu di aterizajens suavi. Dr. Welch papia sobri inpurtansia di ser proativu. Sra. Lopera purgunta Dr. Welch sobri si speriensia ta sirvi alunus fora di trilhús. Dr. Welch fala sobri si speriensia na apoio a idukason altirnativu na BPS, afirmandu ma é izamina dadus pa furnesi alunus un apoio diresiunadu.

Sra. Polanco Garcia purgunta Dr. Welch sobri si aburdajen a rikrutamentu, lisensiamentu y manutenson di profesoris y funsiunáriu konpitenti pa inxina na pelu menus dos lingua, asin komu susesus y dizafius. Sr. Welch rispondi primeru na Spanhol, dipos na Inglés. É papia sobri si speriensia na rikrutamentu di funsiunáriu bilingi y diversifikadu na East Boston.

Mr. Tran purgunta Dr. Welch kal ki era sis tré prinsipal priuridadi pa sis primeru tré mes komu superintendenti. Dr. Welch fla ma é ta bai priurizaba priparason pa un abertura trankuilu pa novu anu letivu, fazendu investmentus ESSER, y konstruindu un ikipa di lideransa forti.

Sra. Robinson lé un purgunta en nomi di Sr. Cardet-Hernandez ta purgunta Dr. Welch si stratéjia pa furtalesi kultura skular, konstrui y restabelesi konfiansa ku familias, y aji más rapidu pa lida ku bullying. Dr. Welch fla ma BPS mesti komunika más anlamenti rikursus ki sta dispunivel pa familias. É infatiza inpurtansia di informa antispadamenti y implimenta pulitikas.

Sra. Robinson lé un purgunta en nomi di Sra. Mercer ta purgunta Dr. Welch modi ki é sa ta bai apoiaba lideransa studentil, spisifikamenti, Boston Student Advisory Council (BSAC), y ki mididas é ta bai tomaba dipos ki alunus protestaba o stivesi ta prutesta. Dr. Welch papia sobri inpurtansia di garanti siguransa di alunus ki sa ta prutesta y é afirma si konprumisu di ileva vozis di alunus.

*Intrevista Finaldi Superintendenti Kumité Skular di Boston: Dr. Tommy Welch
Bruce C. Bolling Municipal Building
24 di Junhu di 2022*

Sr. O'Neill purgunta Dr. Welch si é ta konkorda ki distritu é responsável pa garanti susesu di alunu alen di konkluzon di ensinu sikundáriu y kuzé ki é ta mudaba. Dr. Welch fla ma Madison Park Technical Vocational High School sta atualmenti subutilizadu y ten un inormi putensial. É fla ma é sa ta bai sploraba abertura di un programa di idukason di adultus la, di noti. Sr. O'Neill purgunta Dr. Welch kuzé ki é ta pensaba sobri skolas kumunitáriu sentral. Dr. Welch fla ma é ta gostaba di spandi skolas kumunitáriu sentral, ki ta oferesi servisus kompletu di apoiu a alunus y familias. É partilha sis speriensia sobri transfurmason di Umana Academy na East Boston na un skola kumunitáriu sentral.

Sra. Robinson purgunta Dr. Welch modi ki é ta prujetaba un skritóriu sentral kuezú ki ta oferesi suportu y servisu di kualidadi a skolas pa rizultadus ikuitativu di alunus. Dr. Welch fla ma é ta bai kriaba un painel di dadus pa rastreia prinsipal árias di trabadju y partilha midjoris prátika.

Sra. Robinson konvida Dr. Welch a fazi Kumité un purgunta. Dr. Welch purgunta menbrus di Kumité modi ki es ta imajina risponsabiliza prósimu superintendenti. Sr. O'Neill splika ma avaliason anual di dizenpenhu di superintendenti pa Kumité ta diferi na primeiru anu en relason a kes otus anus. É fla ma Kumité pruvavelmenti ta bai izamina atentamenti planu di 100 dias di prósimu superintendenti, asin komu prugresus rializadu ku furmason di ikipas, konstruson di konfiansa y transparensia, abertura di skolas y kulaburason ku Dipartamentu di Idukason Ilementar y Sikundáriu di MA (DESE). Sra. Robinson papia sobri inpurtansia di kumunikason rigular entri superintendenti y Kumité. Dr. Welch fla ma, komu superintendenti, é ta bai furneseba rigularmenti métrikas transparenti rilasiunadu a alunus. É fla ma é kré ser risponsabilizadu publikamenti pa rizultadus di alunus. Sra. Robinson fla ma DESE ta bai pruvavelmenti iziji rilatórius rigular y ma Kumité ta bai izamina rigularmenti sis objetivus y valoris.

Dr. Welch fazi un diklarason final, sitandu si speriensia komu profesor sirtifikadu pa direson, Aprendis di Lingua spanhola, jestor di sistemas, y atual pai di BPS. Si é for silesiunadu komu superintendenti, é fla ma é sta pruntu pa "bati pé na txon".

ADIAMENTU

Sra. Robinson konvida spetadoris a sabi más sobri kandidatus y a odja gravasons di tudu diskusons di painel na bostonpublicschools.org/supt-search. Pesoas é inkurajadu a invia un e-mail di feedback a Kumité via superintendentsearch@bostonpublicschools.org. Kumité ta bai vota sobri sileson di un kandidatu final nun riunion rimotu na dia 29 di Junhu pa 17 ora.

Aprovadu - Pa volta di 19:40 Kumité aprova pa unanimidadi un muson di inseramentu di riunion pa konsentimentu unanimi.

Atestadu:



Elizabeth Sullivan
Sikretária Izekutiva